

السفر والحنين

السفر والحنين

شعر

عبد الفتاح الأحوّل

﴿ العلم والايمان للنشر والتوزيع ﴾

العلم والأيمان للنشر والتوزيع
دسوق / ميدان المحطة / شارع الشركات

ت : ٠٠٢٠٤٧٢٥٥٠٣٤١

فاكس : ٠٠٢٠٤٧٢٥٦٠٢٨١

رقم الإيداع :

٢٠٠٥ / ١٧٥١٠

التقييم الدولي

I.S.B.N. 977- 308- 072- 2

مجمع وإخراج:

عبير السير أبو شبل

حقوق الطبع والتوزيع محفوظة للناشر

تحذير:

يحذر النشر أو النسخ أو التصوير أو الاقتباس بأي شكل

من الأشكال إلا بإذن وموافقة خطية من الناشر

٢٠٠٦



إهداء

إلى مروح والدتي مرحمها الله . . .

وإلى كل أم

إلى أسرة الفؤاد

إلى كل عاشق للحياة . . . والوطن



ست الكل

يبوس قلبك .. وأبوس إيدك وأدعيلك في يوم عيدك
يطول رينا عمرك وباخذ مني ويزيدك

يا ست الكل

بأدعيلك تعيشي لي تتور بسمنك لياي
ولو أيامي خاننتي في حضنك سعدي بيجبلي


يا ست الكل

في أحضانك لقيت فرحي ومن عطفك داويت جرحي
بتحييني .. وتحميني وفي أمومتك يطول شرحي

يا ست الكل

حملتيني ورضّعت ورييت ومتّعت
ولا قلبك في يوم فاتني وفي العمر جمعت

يا ست الكل



في عمري إيه يوفيك ؟ ياريتته كله يكفيك
وأكون مسرور عشان خاطرك وروحي الغالية تفديك

يا ست الكل

على جيبني بفرحة وحب كاتب جملة " ماليش غيرك "
وفوق رأسي شايل فضاك بقول للدنيا " دا خيرك "

يا ست الكل

عليكي رينا وصي وبيك لازم اتوصي
أهنيك ٠٠ وأرضيك تعيشي للحنان قصة

يا ست الكل

القلب دايب

يا عيون أغلي الحبايب في هواك القلب دايب
يا أمل ساكن خيالي يا نغم طاف الليالي

من عبيرك .. من زهورك نبض قلبي قال نزورك
درت أبدر في الأمان واحضن الشوق والحنان
وابنى حاجز م الضفاير يحجب الحاسد وغاير
يا أمل ساكن خيالي يا للي نورت الليالي
من هواك القلب دايب وانت حاضر.. وانت غايب

في الصحارى وع الضفاف رمل غني لما شاف
نهر حسنك يروى شوقي والزهور فوقك وفوقى

السفر والحنين

وف عيونك والشفاه تبتسم لنا الحياه
يا أمل ساكن خيالى يا اللى نورت الليالى
من هواك القلب دايب وانت لى أغلى الحبايب

اعلى بالشوق يا سمانا واحكى للعشاق هوانا
بيجوا بكره هيمانين ولهوانا مش تاقين
داحنا قصة شوق وحب واحنا قبله لكل قلب
يا أمل ساكن خيالى يا اللى نورت الليالى
من هواك القلب دايب وأنت لى كل الحبايب

رضاك دينتى

رضاك نعيمى وجنتى

يا لى وهبتك دينتى

تحى هواك ومحبتى

اسقبنى شوقك .. ضمنى

أفرد هواك فوق غصنهم

وولادنا زهرة عمرنا

نوهب هنانا لسعدهم

هم الحياة .. هم الأمل

ولحبنا حافظ وصون

قرب لنا وخليك حنون

مهما جرى مش رح نهون

واحنا الدوا .. حنعيش سوا

السفر والحنين

الهجر جرح صبرنا ارجع ونور عشنا
أولادنا فيه .. أرواحنا فيه شوق عمرنا .. من صغرتنا

والبيت عروسة تنتظر وعيونها دبلها السهر
وياك حيرجع فرحنا يجمع نجومنا بالقمر

محلا وصالك والصفاء محلا الرضا بعد الجفا
نحزن هوانا ونحرسه وقلوبنا يملأها الوقفا

نسيانك غلطتى

ليه عنى بتبعدى وبهجرك تعنـدى
يا ريتك تهتدى وتعودى لمعدى

لتقولى غلطتى

خليت القلب رق من حسنك دق .. دق
ولحبنى قلت آه ليه راجعة تقولى لأ

دا حبك غلطتى ؟

ليه هو الحب إيه ؟! تتجنى ازاي عليه ؟
دا هو العمر كله مش عقد بتشتره

وتقولى غلطتى

سميت الشوق عليكِ سهرته ف نور عنيك
ومعايا القلب سلم أوتاره بين إيديكِ ِِِِ

ليه هى غلطتى ؟

حارماني بسـمـتـك مع إنـي دنـيتـك
خايف لحظة غضب تطفياك شـمـعتـك

وتقولى غلطى

لو كنت تفكرى ولحبى تقدرى
ما كنت تشمتى حسادنا وتهجرى

وتقولى غلطى

لو سبت الشوق هدى حنساك وحبتى
ومهما تعندى حتعيشى ترددى

هجرانك غلطى

زين الشباب

يا زين الشباب
بنار الغياب
بسحر الكلام
نسجها الغرام

ساحرني غرامك
وعذبت قلبي
ودويت عمري
محببة وأماني

بهمس إليك
بدوب بين إديك
غياب السنين
بزهر وحنين

وخليت فؤادي
" يا فاتن خيالي
أعد الثواني
ومستتني تيجي

لحبي وحناني
وتسعد زماني

تقولي راجع لي
تفرح وجودي

واسلم حياتى
" لو الكل باعنى
أمانة لحبيبي
رضيتك نصيبي "

يا عايش في قلبي
منايا وهنايا
وساكن بعيد
تعود لى سعيد
وأزوق طريقك
ب دعوة حبيب
واسمى واسمك
ورجعة غريب

حتيجى تلاقينى
ونحضن هوانا
بقيد الشوموع
بشوق الرجوع
ونسعد قلوبنا
ونسبي العذاب
يا زين الشباب
في جنة وجودك

بالهجة وبروحى واهنيك

يا أمى ناديني .. أحنيك

وأصلى وأدعياك

حتوضى من نيلك

أعرق وأدياك

ولآخر الدنيا

ع البحر شمسية

وأغزلك انفاسى

وتغازل المية

تسكنها أصداك

وبعطفك أروينى

بس أنت ناديني

يا مصر يا غالية

دلينى واهدينى

قايدين في أهرامك قلوب عشاق

يا أمى حرقانا قوى الأشواق

دا الغربية طحنناهم

ننادى لأولادك

واللا انت ناسياهم ؟

هى دى قسمتهم ؟

والخير في هممتنا

واحننا اللي باقينناك

ليه ترضى فرقتنا ؟

فاردينه ع الدنيا

وف حضناك أوبنا

قومى وناديننا

يا مصرنا الغالية

بالحب ضمينا

يا جنة يا عالية

إلى الغريب

يا ولادى يا قايدين حياة غيرى مشتاقه رجعتكم لنور خيرى
عايزاكو من بدري وكفاية نار هجرى
نسبق سوا الدنيا واكتب بكم عمري
هنونى بوجـودكم حنونى بجهـودكم
وف ميتهاى الطاهرة قوموا اغلسوا ذنوبكم
مين غيرى هناكم وف عـزه رباكم
عودوا لمرسـاكم مقـدرش أنساكم

أنا أم يا ولادى

يا ولادى مشتتة كتير ليكم طالت غيبتكم .. طن أها ليكم

عودوا لأولادكم دول هم هه أكبر اداكم

والأم .. والزوجة ما ناموا في بعا اداكم

وأن كنتوا بتقاسوا أنا اللي بتالم

والصبر ضاق بي من غير ما أتكم

من غيرى هناكم؟ وبعطفه دفاكم؟

عودوا لمرساكم في القلب شايا لكم

أنا أم بتسامح

أنا مصر يا ولادى

اللقاء

يا اِغلى مخلوقة
وَأَن دَبنا حنرعرع
رجالـه مبدوره
والله وحشـتينا
طـايرين مع النسمه
تايبين عن الغريه
الشمس مركبنا
والبدر ونجومه
ياماى جينالك
بالعمر بنهادى
في الصحره والوادي
بالهمه بتتادى :
وادحننا جينالك
وف قلبنا هلالك
دا يبين في آمالك
والحب موكبنا
والدنيا في ركابنا
قايدين كواكبنا

السفر والحنين

النيـل يحيـيكم

أهـلاً بأولادى

والمجـد بأديكم

رجعتـوا أعيادى

بعناية الخالق

يا مصر محفوظة

حالفين م حنـفـارق

يا كنانة جينالك

حنـقـق احلامنا

أهـلاً بأيامنا

والدنيا تحلى لنا

وولادنا يتهنوا

السفر والحنين

شايلة حمايل وحدتى

سافر وسابنى بلوعتى

يا خوفى تاخذ بسمتى

والغربة بتووه قلوب

ينزف أسى ٠٠ فوق الجبين

سابلى الحنين ٠٠ مليون أنين

ييعد سنين عن دنىتى

ويقول قدر مكتوب لنا

والمال ما يسوى فرحتى

تحرق شابابنا وحبنا

ارجع ونور دنىتى

تشقى هناك ٠٠ واتعب هنا

دا مش قدر مكتوب لنا

وتقول بنبنى عشنا

تدفع حياتك للغريب

لجل القلوب ٠٠ تطرح ورود

مكتوب تعود ٠٠ تحيى الوجود

خلى جهودنا لأرضنا ندى وناخذ حقا
مشاقة تجمع شملنا عيشه كريمة ف مصرنا

تسعد حياتى ودنيتى

ييجى الأمل ٠٠ يضىو القمر فوق السهارى ينتظر
لما النهار ٠٠ يصبح ييوس ليل الهوى ف خد البشر
يبقى الزمان ٠٠ حب وحنان قلبين وفى جزيرة أمان
واحضن حبيى بلهفتى وتعود دموى م السفر
تزرع جناين ٠٠ طرحها فرحة يغنيها القدر

وارتاح وتضحك دنيتى

أهلاً بيك

أهلاً بيك أغلى الأحاباب أهلاً بيك من بعد غياب
فيه القلب ف حبك داب
دانت البدر .. وانت الفجر وانت الوصل ٠٠ وليه الهجر؟
ساعة قرب تساوى العمر
يوم ما بتبعد شمسى تغيب ينقص عمرى سنين ويدوب
واحنا ف حزن الشوق بنطيب
فرح قلبى دقة بدقة واعزف لحن هوانا برقة
مشتاق أنسى سنين الفرقة
نبنى ف شط البسمة حياه يلقي فيها القلب مناه
فيها الحب الزاد والجاه
نزرع حب ف قلب الليل يطرح سعد لمليون جيل
بس نعيش فوق وادى النيل

نساك القلب

نساك محبوبى يا قلبى
وبات يرقص ومتهنى
فـي يـوم العـيد
وأنا ف تنهيد
دا جـد جـديـد
دموعى صاحبة بتقولى

حبيبي ازاي بينساني؟!

دا كان من بدرى بيصبح
ويجى لقلبي وبيبارك
برقعة وزوق
بكل الشوق
وأفرد فرحى ع الدنيا
وارفرف فوق

دا بيجى يوم وينساني!

أنا اللي عمرى ما نسيته
ولا أفكر يهون لحظه
ولا أقدر
ولو يهجر
وأقول يا قلبى إيه رأيك؟
يقول " نصبر "

ما يقدر حبي ينساني

نروح نسال ونطمئن على المحبـوب
ونخلق عذر يشفع له عشان بنـدوب
في شرع الحب ما نكره قدر مكتـوب
حصونه مهما ينساني

مسير الحب حيزهر في بسـتانا
ونحضن عطره بقلوبنا وننتهاى
ومين شافنا يقول م الشوق : عقبالـنا
وعيش والحب هنانى

اسمعيني

زى ما سمعت العزول اسمعيني لما أقول
ياللى ضيعت الهوى اللى كان يطلب ينول
اسمعى القلب اللى حبك اللى عاش العمر جنبك
تسحره بسمه عيونك ينتشى من همس قلبك

كان مناه الشوق يطول

عشت احلم بالأمان بين عيونك والحنان
والأمل عطرّ ونور جيت أبوس خد الزمان
كل حته مشينا فيها حبنا خضر واديها
كل بسمه ٠٠ كل نسمة كان فؤادى بيراعبها

لجل عمر الشوق يطول

العوازل سهروا ببيك بدلوا أيام رضاك
وابتدت أحلام هوانا تنتحر في ليل أساك
أنصحك ما تسمعي تضحكيلي وتخدعي
وافتكرت الحب منة تمنحيه ٠٠ أو تمنعي

وارتوى زهر العزول

عايز أقول لكن كفاية مش حنوصل أى غاية
زى ما خنت الهوى حانسى حبك للنهاية
كل واحد له طريق كل واحد له رفيق
لو طريقك ٠٠ أو رفيقك كنت أنا ٠٠ حصبح غريق

وارتمى ف بحر العزول

وداع زهرة

مالك يا زهرة دبلانة
وفاردة العطر متبسم
وطيفك سحره م الجنة
وأنا من بدرى بستتى
في يوم ينعس على جبينى
ورقة عوده تحيينى
وطول العمر نشوانة
في كل الكون وهيمانة
يخلى القلب يتهنى
جمال حسنك وأتمنى
أدوب ويأك حنيانة
أقيد الفرح بعنيانة

عصرت الروح ورويتك
وفوق الحسن ربيتك
يشمك غيرى ويضمك
وابات م الغيرة أتالم
وقلت السعد في قدومك
لقيت يا زهره جه يومك
ويقطف قلبي بيعادك
ويسهر شوقى لمعادك

وتسبح فيك أحلامي وانت بحرى والمينا
وعارفك لسه عاشقاني وبتعيشي ف أمانينا
لكن أهلاك وخلانك لحضن الجاني زفوك
ياريت يا زهرة أغصانك في رمش عنيه لفوك

يا أجمل زهرة مخلوقة مفيش إلاك معشوقة
بريح قلبي بعطورك وأحلى ايامى محروقة
وأقول للزهر ياريتك في يوم تختار مقاديرك
يدوم حسناك وتتهني وتفرح بيك عصافيرك

عشائك أنتظر

عشائك أنتظر واحضن قلبك وأدوب

وربك لا البشور عالم ما في القلوب

أشتاق لحظة لقا تسعدني بين إيديك

واهـديك دنيتي واتملي بنور عنيك

مالي في الكون مني إلا همسة رضاك

وأن كنتِ البدر فوق جبي حيون سماك

والقلب يدق لك في كل نبض رق
والعين .. والروح .. سوا
يقولك عندى حق

واعاهدك وأوعدك لبروحى اسعدك
م انت النور والهوى مين يقدر يبعدك ؟

ومّا ربّك يريد حتكون الدنيا عيد
والفرح يدوم لنا واحضن عمري السعيد

من غير ما أنتظر

هَلَّتْ

جوه القلب وحلّت

هَلَّتْ .. هَلَّتْ .. هَلَّتْ

وبحسن يفوق الحد

بجمال الروح والقصد

على روحى وقلبي اتولّت

تايه في الدنيا وحيد

هَلَّتْ والقلب شريد

جاية بأشواق بتقيد

قالت : أنا فجر العيد

فردت بسمتها وولّت

في عيونها جزر ومد

دى حليوه فوق الحد

والشعر دا نيل امتد

وربيع زهر في الخد

وجبينها شمس وطلّت

روح قلبي كفاية فراق

قلتها بشوق " مشتاق "

وابوك وأبويافاق

دا القلب عشانك راق

وعيلتنا لحننا صأت

قالتها بكل الفرحة

قالت لى هات الطرحة

ما قدرت أنام ولا أصحه

بشفايف ورموش سارحة

لما الشرابات انبأت

وحياه بيها اتهنيت

وبقالى أسرة وبيت

وف صورة بكرة لقيت

وارتاح البال وهديت

خطفتنا الفرحة وعأت

في القلب مطرحك

طول عمرِك يا قمر

في القلب مطرحك

السفر والحنين

وان طالت غربتي حرجلك م السفر
بالفرح وما جرحك
مهما يجور الزمن إنتِ اللي ف دنيتي
وبشوق من غير تمن أفديك بمهجتى
لو نسمة تجررك
عايز بسمة عنيك في القلب وع الشفايف
تطفى لوعة فراقك في البعد م ابقى خايف
من لحظة تجررك
واطمئن عاملة إيه مرتاحة واللا إيه ؟
ونصون حب انكتب أرواحنا عايشه بيه
ما يهون أو يجرك
وارجلك بالأمل وجراح الشوق تطيب
والفرح يضمننا واحلف عنك ما غيب
أو حاجة تجررك

المحطة

والحليوة اتمخضرت

من عرقها اتعطرت

والشعور اتبعثرت

كنت واقف ع المحطة

فوق دراعها شايلة شنطة

والخدود م الحر قايدة

عايزة منديل من ورق

آجى الطّف العرق

لو تقربّ ٠٠ تتحرق

جت وقالت : بعد إنك

رد قلبى ٠٠ قال خدينى

قلت له : حاسب تعال

لما ليّنا اتبسّمتِ

قال خلاص دبت ف عنيا

فوق شفاه اتقسّمتِ

والتقيت نبضاتي غنت

ولجمالها سلّمتِ

والعيون باست ورودها

رد شوقها بذوق نادالي

كنت أنا م الحب خالي

اشهدوا طلعة هلالى

قلت والله الفرح قسمه

وشلت أنا شنطة حلالى

يومها سبنا القطر عدّى

اغتيال فرح

من وحى التطرف

الشمس قادت في البلد والعاقبة منتظرة الولد
ييجى ويطلب يدّها
ييجى وراكب مُهْرته ومعاه حبايبه وعزوته
يخطب ويدفع مهرها
لابس جديد ومعطره يحلم ببيت حيعمه
لما يوافق أهلها
طلوا الكلاب ويا الضحى قتلوا نفوس متفتحة
فوق الطرق طاف دمها
دى كلاب كثيرة مبعثرة وعيونها نار متسعة
جاية بتنهش لحمها

وقفوا الكلاب ٠٠ في كل باب واتحاوطوا أحضان الشباب
ما سابوا فرحة لأهلها
الولد ماتت بسمته والدم سال فوق شفته
وعيونه غمّض جفنها
الشمس غابت والقمر والحلوة لسه بتنتظر
محبوبها يبجي يضمها
لابسة الحرير متزوّقة وبلهفة ليه متشوّقة
والفرحة طائرة ف قلبها
صوت النساء شق السحاب جالها الخبر مليان عذاب
الصدمة شأت عقلها
امتى الزمان يولد أمان؟ لجل الهوى يلقي الحنان
وطيورنا تهدي ف عشاها
الحلوة شيبها القدر وبصبر لسه بتنتظر
بسمة تخفف حزنها

حيثك

واخترتك تبقى نصيبي
وبقيت أجمل مكاتيبي

حيبتك .. وانت حبيبي
واديتك قلبي وعمري

وبعيش أجمل أيامي
من شوقي ليك وهيامي

با ضلل فيك وأدلل
ولا كل الدنيا تقلال

طاير بيّ على فوق
خلت لي الضلمة شروق

وصبحت ف موكب شوق
وبدوب وياك حنية

وبقيت الكل ف واحد
إيه اكثر من كده آخذ

ما بقيت أهلي وأحبابي
وهواك بالدنيا بحالها

واحفظ حبي وهنيتي
تملاه حب وترويتي

خليني معاك خليني
واجمعنا ف عش صغير

العودة

راجع مشتاق هنا من بعد سنين ضنى
محروم من بسمتك معرفتش مين أنا

في الغربة يا بلد

للنيل الصافي راجع للخصن الدافي راجع
أسهر ويا القمر واتمشى في المزارع

بالبنات والولد

أغطى بالسما وترابك فرشتى
والشمس تكون دوا والنسمة جنتى

واعبد واحد أحد

راجع أعرق كتير واكسبك بالحرير
وابنيك ميت هرم الكون بينهم يطير

وبولدك يتسعد

أعرق لك مش لغيرك أنت أولى بخيرك
دا دين أوفيه على أعشق ليلك ونورك

ويا بخت اللي أتوعد

عود الفل

يا عود الفل يا نايم ٠٠٠ صباح الفل
بنبض القلب رايدينك ٠٠ يا روح الكل

بعود ياسمين ٠٠ وريحانة ٠٠ مجاورينك
زرعنا الحب متعطر ٠٠ على جبينك

وفى زهورك ٠٠ عيون الحسن تتكحل
ضفاير ليل ٠٠ طواها الفجر ٠٠ واتمهل

وخد شوقي ٠٠٠ روى غصنك
وكل الروض ٠٠٠ عشق حسنك

السفر والحنين

يا عود الفل ٠٠٠ قلبى شريك

تصونه ؟ ٠٠٠ واللالى شريك ؟

لو الأيام تجمعنا ٠٠ ياعود الفل

حنغزل عمرنا فرحة ٠٠ ونورنا يهل

ونسكن روضة في الجنة يزيناها سحر أزهارك

وتحكى الناس قصتنا مع أحيان أطيارك

يا روح القلب يسعدنى حنان نبضك وإحساسك

ف أمان الله ٠٠ قوم فتح جنود الله حراسك

الأولة

الأولة قلبي

والثانية حبي

والثالثة ربي

الأولة قلبي ٠٠٠ عشق نيلك في دقائقه

والثانية حبي ٠٠٠ وهب لك كل ساعاته

والثالثة ربي ٠٠٠ رفع ذكرك في آياته

الدرس دا يحيى النفوس ع الرمل دا أوعى تدوس

في الرمل دا أصل الحياة قوم طوقه بحضنك وبوس

أول شروق ٠٠ كان من هنا أول صلاة ٠٠ كات مننا

وادي الهرم ٠٠ وادي القناة أرض الحضارة أرضنا

تعظيم سلام يا كل حى كبر وشوف .. بكره اللي جئ
المصرى فوق .. فوق كل شئ خلي ضلام الدنيا ضئ

الاوله مصري

والثانيه مصري

ودائماً مصري

الاوله مصري هو الألف والكون حروف بعديه
والثانيه مصري وحده رفع شمس الخلود بإديه
ودائماً مصري هو السما..فوق الوجود ترويه

كتبوا الكتاب

كتبوا الكتاب يا عاشقين يا أهل مصر الطيبين

قطفوا الزهور لجل الفرح من جنابين الصابرين
كتبوا الكتاب

كتبوا كتاب .. كل الشباب .. يوم العبور
لما الأسود .. جابوا الخلود .. فوق الغرور
والمدائن نورت .. والسفائين عطرت .. كل البحور
كتبوا الكتاب

والعروسة أرضنا ... زوقوها بنصرنا ... قالت تعيش
يا بن البلد
دانة الأمان ... طول الزمان ... غيرك ماليش
مهما أتولد
والفرح بيك من غير شريك يكمل بجيش
مصر الأسود
كتبوا الكتاب

والمهر أرواح شعب بيضحى فوق الصعب
حالف باين وأب

وبجرح ست سنين وسط الضياع تايهين

ويا الشعور بالذنب

لازم نعيش أحرار وندوب الأخطار

وندوب في أجمل حب

كتبوا الكتاب

والمأذون هو التاريخ أما الشهود ٠٠ كل الأمم

والزفة كانت ع القناة والشمس في ضيى العلم

والشعب حاضن فرحته والنيل بيرقص والهرم

كتبوا الكتاب

والسلام ... بعد الآلام ... صار ابننا

والغيطان ... طرحت حنان ... من حبنا

والريبع ... هنى الجميع ... دام عندنا

السفر والحنين

كتبوا الكتاب

والحق جيناه واكتمل
يزرع سعادته لوأدنا
والكل عرقان في العمل
ما بين ربوع وادى الأمل
نجمع بشاير مجدنا
زى جـــــودنا الأول

كتبوا الكتاب

يا للى شاركتونا الفرح
ما حد فيكم ينجرح
والله عقبال الصحاب
والحب يفتح كل باب
نيجي نهنى كلنا

ونشهد فى يوم

كتب الكتاب

مصر أم البشر

نحى وجودك بإدينا
راضع شوقك يا سينا

جينا نهارك وجينا
نهديك عمر غالى

يا مجد بيروى دمي
يا مصر ابويا وأمى

يا فجر وبدر يضى
يا غنوه شوق لابنى

فيه سحر وله دلال
ترقص زى الغزال

الزهر فوق رمالك
والشمس تشوف جيبك

وتتام تحت النخيل
تحضن موجك يا نيل

تنزل وتبوس شطوطك
وتقوم من كتر شوقها

السفر والحنين

والنيـل فارد جناحه ع الصحرا وفي السهول
داخلى الليل يلالى يفتن كل العقول

والصحرا اتبسّمت وف توشكى اتكلّمت
بكفاح العرقانين م الفرحة اترّمت

وولادك يعشـقوك بيموتوا ويرفعوك
في قلوبهم ما في غيرك لولا الله يعبدوك

تحكى لك أهراماتك والسد العالى شاهد
والدم اللى في قناتك إن الكل جاهد

خايضين نار الحروب عابرين بحر الألام
باليتم وبالجراح لما جنبنا السلام

شارب حُمرةِ خدودك
منقوش بإدين أسودك

يضحك في الزهر لبَيض
مبنى في القلب معبد

والشيخ أم الصلا
إنجيلها ع الملا

والمدينة كَبَّـرِتْ
وكنيسة رتَلَّتْ

الله اللي فطر
من مصر أم البشر

يهدوا الريف والحضر
أصل ام الأنبياء

نيل مصر والتراب
والخير في كل باب

حافظين جوّه الكتاب
قال " فيها ما سألتكم "

يا مصر أم الرجال
ونحقق الآمال

والصبر مهما طال
حنزِيل كلمةُ محال

باحلم بالهنا

بـاحلم بالهنا دا كل المنى

عشة صغيرة في جنينة سماح

بالحب معطرة يبقى الليل صباح

في عيوننا كنا

بسمة ع الجبين للجيل اللي جاى

نفرده له الإيدى ونقول شيل معاى

نبنى مجدنا

السفر والحنين

نعرق ليل نهار ونجيد العمل

نملئ الكون عمار ففي وادي الأمل

نسعد شعبنا

لا لظفة ندم ولا آهة ألم

ترجع للقنقال والنيل والهـرم

تجرح صفونا

يخضر السلام في قلوب البشر

ويغني الحمَام ويضَوِّى القمـر

تسلم مصرنا

التربة

غاطة دلع ٠٠٠ جابت وجع
خد مننا ٠٠٠ جهد الجدع

كان واد جميل ٠٠٠ زى القمر
دا كان ملاك ٠٠٠ مش م البشر

أمه وأبوه ٠٠٠ في العين شالوه
ودوه حضـانة وعلمـوه

ما بين مدارس أجنبي بيحافظوا بيها ع الصبي
نسيوا يقولوا لحضرته ازاي يقف في قبـاته

السفر والحنين

كبر الولد ٠٠٠ طال وانفرد
يطلب ينول ٠٠ كل المدد
من غير حساب ٠٠ لو حتى غاب
تاه وانحرف ٠٠ وسط الضباب

في الليل يبات ويا الشلل
قال إيه ٠٠٠ بيكسر الملل

قسم البوليس بينا أتصل

رحنا سألنا ٠٠٠

إيه حصل ؟

قال تعرفوه؟؟ أيوه ابننا

فين ربتوه؟؟ في حضنا

قال : الولد دا منحرف

ردينا .. لا

قال : معترف

طب إليه جريمته ؟ قول لنا

قال ... ده يسرق عمرنا


جالب مخدر للبلاد للبت باع .. زى الولد

ورجعنا باللوم والعتاب ... للأهل ... ولكل الصحاب

بنقول لهم من قلبنا صونوا شبابنا ومصرنا

مصر اللي ضممتنا بحنان ما ترضى خاين

أو جبان



حسنتك


نفس السؤال

كل يوم نفس السؤال قوللى ليه الهجر طال ؟
انت راجع لى أمتى ؟ واللا قلبك عنى مال ؟

مهما تهجر .. أقدر أصبر بس أوع القلب يغدر
دانتي حبك جوة قلبى كل يوم عن يوم بيكبر

في انتظار نور طلعتك تحيى قلبى بهمسك
والربيع يملا هوانا في ابتسامة نظرتك

ألف أهلاً .. لأشوية دانتي روحى واللى لييه
دانتي جنة مخلوقا لى أنسى بيها الدنيا دييه



فايته الوجود

فايته الوجود وبتحكيلى والشوق بيرقص ع الشفة
والقلب دايب م الخفة هايم بيحلم بالزفة

النجم ساهر يسمعنا والذيل وشطه بيجمعنا
والليل دا عاشق بيلحن والنسمة تحفظ في المعنى

طاف الهوى ومعطر شوق صحى البشر والطير من فوق
حاضن هوانا وأسرارنا خلى لىالى القلب شروق

الشمس طلعت بتصبّح والزهر بايت بيسبّح
ردد معانئ محبتنا خلى القدر رق وفتح

واحنأ ما نهجر أو نغدر أو عندنا تخطر سيرة
من شك.. أو خوف .. أو غيرة أو يأس.. أو ضيق .. أو حيرة

بالحب حنشق طريقنا بالحب ندرس أشواقنا
ونقول لعشاق الدنيا " الحب لحظة توفقتنا "

ست العصر

سمعت القلب من شوقه يغنى لمصر
وكل الدنيا بتردد ... " يدوم النصر "
تدوم الراية مرفوعة تدوم البسمة مسموعة

يدوم عزك يا ست العصر

يا مصنع مدنته العالية حضارة تطل
يا شمس وفاردة أحضانها جناباين فل
يا قائدة الفرحة بجبينك في توبم التل

يا خير مبدور وماله حصر

السفر والحنين

يا ضئى العين يا محروسة حنبنى الغد

بروح وبهمة ملموسة ومالهأ حد

ونزرع فى الوجود بسمة عزيمة وجد

ونحرس مجدنا والنصر

على جبين التاريخ شايفك شراع مفرود

شبابك هو ملاحك وكله جنود

يخلوا الصحرة تتكلم بخيرها تجود

نزين بيك الوجود يا مصر

القلب الطيب

سَلِّمْ لِي عَ الْقَلْبِ الطَّيِّبِ رُوحُ قَلْبِهِ يَرْجِعُ لِي قَرِيبَ
رُوحُ قَلْبِهِ حُبُّكَ مُشْتَأَقُ وَلِقُرْبِكَ مَلِيَانُ أَشْوَاقِ

أَوْصَلَهُ بِاللهِ لَا تَغَيِّبِ

أَوْصَلَهُ وَقَبَّلْ لِي عَنِيهِ بِرَمُوشِكَ سَلِّمْ لِي عَلَيْهِ
رُوحُ قَلْبِهِ أَنَا مَلِكُ يَدِيهِ وَبِرُوحِي بِاللهِ أَفْديهِ

بِحَيَاتِكَ عَشْمِي لَا تَخَيِّبِ

رُوحُ سَافِرٍ فِي بِلَادِ اللهِ وَابْحَثْ لِي عَن قَلْبِي مَعَاهِ
دَا قَدْرِي وَسَعْدِي وَيَّاهِ وَنَا أَرْضُهُ وَبِحَرِّهِ وَسَمَاهِ

وَمَلَائِكِهِ وَالْحُضْنَ الطَّيِّبِ

جيهولى من وين ما يكون لو حتى حتدور الكون

من غيرُه لا بعيش ولا اكون خد عقلى وفاتنى مجنون

ما هو روحى وعمرى وحبيب

ارجع لى وحبى ويّاك لا تعوّق يا طيرى هناك

عطرّ له جناحك وهواك وانا قيد الشمع للقيّاك

حيجلى .. ما هو عهدُه قريب

زغرودة .. أهو جالى الطيب

سبعة وعشرين

سبعة وعشرين أعلي الأرقام ليلة إسراء سيد الأقسام
ليلة إعجاز .. ليلة إنجاز ليلة معراج فوق أعلي مقام
محلاك يا براق .. شايل أشواق طه المحبوب .. للقا العلام

سبعة وعشرين ليلة تنزيل نور القرآن هادي ودليل
فيها سلام وملايكة كرام نازلين بأوامر رب جليل
ليلة أقدار تتجيم النار مقبولة التوبة لكل ذليل

سبعة وعشرين .. دائماً أفراح فيه أسعد ليل وأرق صباح
أرواحنا تزور .. أحضان الحور وف شط النور ترسى وترتاح
وتتول غفران .. عند الرحمن من غير أحزان..إحسان وسماح

قوموا يا حباب .. فوزوا بثواب رب الأرباب .. م الليل للفجر
اسعوا لرضاه.. وادخلوا في حماه بصيام وصلاة..حتتولوا الأجر
زوروا الأرحام..وارعوا الأيتام أصل الإسلام.. ما يحبش هجر

إلى الله

يا رب يا رحمن قاصدك ومالي حد
ناديت ونا حيران والصبر زاد ع الحد

لئى فؤاد مهموم واقف على بابك
سهران جفاه النوم ضمه لأحبابك

عاصي وكله ذنوب والمعصية خانقاه
نادم وجي يتوب إهديه إليك وارعاه

السفر والحنين

سألم إليك أمره راضي بحكمك فيه

شأيل ذنوب عمره ونور رحمتك يكفيه

ما عاد له باب في الكون واننت الرجا والأهل

إن قلت " كون " حيكون والصعب يصبح سهل

يا رب جيت بأباك ما تردني خايب

أقباني في رحابك خليني فيك دايب

الله حى

الله حى .. الله حى
موجه ينادى
البحر الميت .. أصبح حى
حق بلادى ..

لازم جى
وانت يا غاصب مهما تكون
مهما يحاوروا ..
واللا يناورا

القدس راجلى يزين الكون

اقتل وأدى

واحرق جدى

ومص الدم

هات قناص

صب رصاص

مش حاهتم

أرضى دى عرضى

مش للبيع ..

زى الـدين

جنة لولدى ..

ونار ومرار ..

للغاصبين

جوه ترابها ..

كل جدوى ..

وابويا وأمي

وأنا بعددهم ..

لجل عيونها ..

أوهب دمي

واوصى وليدى ..

ويا حفيدى ..

يصونوا العهد

لما الشمس ..

تدفي سمانا ..

ونجنى الشهد

واخالى هواها ..

فوق أولادك ..

كله بأرود

يسحق يحق ..

اللى غصبتة ..

لابد يعود

وأزرع شجرة ..

تحتها حجرة

فوقها ولاد

بيغنوا يقولوا ..

اصحى يا دنيا .. هنا أسياد

اصحى يا دنيا .. هنا أسياد

فلسطين

هل هلاكك يا فلسطين

وحشة كبيرة ..

وشوق وحنين

فرحة وطرحة ..

وفل وتل ..

وحنه سويسى للعاشقين

زفة ولفة ف كل الكون

فوقها حمامة وغصن زتون

وف أحضانك ضمى ولادك

دول عاشقينك ..

عشق جنون

وولاد صابرا .. وباشاتيلا

دول من يافا ودير ياسين

بأيعين روحهم ..

لجل الأقصى ..

ويا القدس يعودوا للعيلا

يا لالا يا مريم .. باركى كفاحهم

داوى جراحهم ..

شدى إيديهم

رفعوا صليبك .. لجل حبيبك

هو وأحمد ..

يشفعوا ليهم

ندر علينا ..

نخلى هالك ..

يعلى ويصبح بدر كبير

يضوى ف مكة ..

وع الأهرام

ويا البصرة . وف أغادير

وارو نشيدك ..

واحمى حفيدك

وازرع قلبى ورود لشهيدك

عشان وأدك ..

طهروا أرضك

بيّضوا عرضك ..

فكّوا حديدك

خاضوا معارك ..

خلوا مسارك ..

خالد زكّره ف عليين

رى يبارك ..

في اللى يشارك

يسلم دائماً ..

قولوا آمين

يسلم دائماً قولوا آمين

أغلى حروف

الفاء .. واللام .. والسين .. والطاء والياء .. والنون

أغلى حروف .. وأشد كفوف يعرفها الكون

والأطفال عمالة تحارب تدى الدرس لجيش مغرور

حافلة تقاوم .. مش بتساوم لجل الأقصى يعود منصور

كل كفوفها بترمى حجارة بكرة الحجرة تبقى بارود

تجعل دم الشهدا منارة لما الحق لصاحبه يعود

واحدة العهد ف يوم حطين على إيد جدى صلاح الدين
تحمى هواها م الغاصبين تروى النخل وتزرع تين

دول يحتاجو ف كل صباح وقفه عفيّة ومال وسلاح
وحدة تصون كل الأرواح قوموا يا عرب
الفجر أهو لاح

صهيون

عربد وصول في الأرض قطّعها طول أو عرض
واصرخ في كل الكون قوّله : أنا صهيون
مالىّ دين أو عهد

عربد ولا تهتم لا بـد يوم تـتم
عمر كـ سراب بيـزول مسنود بحيط بيـمـيل
أوشك خلاص ينهد

شمسى بدت بتطُّل تكسى العذارى تُـل
وتحيل نهـارك ليـل أسود ٠٠ مافيه قنـديل
م المهد حتى اللحد

السفر والحنين

يا دم كل شهيد عطر صباح العيد

وعد الإله قاطع عيسى النبي راجع

يفتح كنيسة المهدي

ويعلّي راية الحق زى الجبل تتدق

فيها هلال وصليب وصبية حاضنة حبيب

ينسوا الدموع بالشهد

شـايف شـعاعك يمـحى ضـامة كل ليل
حـالف لتـسعد جنـب جـيلى كـل جـيـل

شـايفك يا بـكره وانـت راشـد .. مـش صـغير
زى البـطل .. فـي كل دار .. إيـدك تـعمـر

شـايفك مـداين .. فـوق مـصانـع تـتبـنى
شـايل سـلاح .. يـحمى الجـباه مـا تـتـحـنى

شـايف ضـميرك .. فـوق جـبين الحـر صـاحى
يـبنى حـضارة مـصرنا .. تـسـلم صـباحى

سینا

لسه عیوتّا علیکی یا سینا شایفة عبورنا وشوقك لینا
شایفة جنودنا ف حزنك تزرع نصر وفرح ومجد وادینا

لسه قلوبنا دروع لرمالك

تروی نخيلك ..

تفدی جبالك

تحرس طورك ..

تحضن دیرك

یاللی ترابك نور یهدینا

م انت ف جبلك جت أديان وف أشجارك جه قرآن
وان كان حد لمجدك ناسي موسى دا مصرى ومولود فينا

مين حيصا أولك ؟
أو حيطا أولك ؟

واحنا بروحنا كانا حولك
إيدنا تعمر .. تزرع .. تصنع شايلة سلاحنا يصون أراضيها

أصاك غالية .. رايتك عالية وبدرك ساطع من رمضان
جوك صافى .. بحرك شافى واحنا سفاين ٠٠ وانت المينا

وانت الجنة وصى عنينا

مستىكى

مستىكى .. وقلبى شارىكى .. بحلم بيكى .. عايش ليكى

طوفى الدنيا .. فى بلاد تانية .. قلبى معاكى .. ثانية بثانية

هو حبيبك .. هو نصيبك .. مهما تدورى .. مش حيسيبك

م أنت ملاكى .. روحى فداكى .. يالى الدنيا .. هى رضاكى

مش بتصور .. دنيا تنور .. وانى بعيدة .. مهما أدور

أنا رايدك

تقوللى لا .. تقوللى آه أنا رايدك بشرع الله
رايد قلبك وإحساسك رايد أهلـك .. رايد ناسك

يا اعلـى كل خلق الله

أصونك بالفؤاد والروح وأصير ضئك مكان ما تروح
لا افوتك يوم ولا أسلاك وأكون سعدك وضى سماك

ودا عهدى أمام الله

أريدك لو تاخذ عمرى واسلم بين إيدك أمرى
ولا أندم .. ولا أهـتم كفاية القلوب تتلم

ويرعى حبنا الله

لا رايد جاه ولا أموال حعيش وياك فى أسعد حال
كفاية همستك ليـه كفاية بسمة وردية

تتور فوق بلاد الله

خليكى في العش

لسّه الريشة صغيرة .. خليكى في العش
لا الريح صاحبة ممطرة والله ما بنغش

ورزقك عندك لازم جى ييجى ف ضلمة .. ييجى ف ضى
ريك قاسمه فوق في سماه ييجى لصاحبه بأمر الحى

واما جناحك بيقى كبير طيرى وعلى فوق الكل
لا تخافى مطره ولا صياد وابدرى عشك ورد وفل

واسعدى إلفك .. وارضى هواه واحفظى ودّه جوّه العين
واوعى الدهر يفرق بينكم شرع الحب أتتينا اتنين

واما تلاقى الدنيا تجُور خليكى دائماً قرب العش
وقولى لكل الطير .. ان احنا قلبنا صافى .. ما بيغش

وانت يا سمكة أوع الحوت مستنيكى جوه البحر
اللى يقرب منه يموت زى الموجة يحب النحر

أما الغابة .. زى الناس فيها الشهد .. ومر الكاس
فيها نسور .. فيها نمور فيها الحق مالوش حراس

فيها عصابة وماسكة سلاح تحصد بيه كل الأرواح
طفل وشاب وست وشيخ مالية الدنيا جراح ونواح

وانتِ خسارة .. يا قمر الحارة خلى شموعك لينا منارة
خليكى نسمة .. وروح مبتسمة تخلى عيون الكل سهاره

بووَعك

بووَعك .. قبل الرحيل بووَع العمر الجميل

بووَع الشوق والحنون بووَع القلب الحنون

وبينظفي آخر شعاع

ليه يا قمر خانقاك غيوم ؟ حتى القدر مليان هموم

والقلب ضاعت قبائمه قتل الزمان فيه نبضته

واللى انقتل تاكله الضباع

ايه يا زمن ؟ مش باعتبك مين يا زمن .. حا يغلبك ؟

تاخذ ربيع .. وتجيب شته وتقوت قلوب متشتته

ايه سبت لى غير الضياع

لا .. مش بلومك يا حبيب لا انت القدر .. ولا النصيب
واللى انكتب فوق الجباه ما ينمحي طول الحياه
طب ليه ألوم والعمر ضاع ؟

فوتتى وقلبي لك متاع حافظ هواك .. عمره ما باع
مشتاق رجوعك يا قمر ونعيش سوى من غير وداع

ميلا موب

هيلا هوب .. هيلا هوب احنا قلوبنا جنابين حب

نزرع خير .. لنا والغير فين ما نروح .. خيرنا يصب

هيلا هوب

نزرع رمل بلادنا جنابين والشيطان نبنها مداين


أما السما يكسيها علمنا نبضنا رافعه بأكبر حب

هيلا هوب

يا لآيا بكره قوم وتعاله شوف همتنا ازاي شغالة

شوف خطاويننا.. شوف أيادينا شوف أمجادنا منين ما نطب

هيلا هوب




وانت يا صابرة.. جايلك بكرة
بين أحضانى .. شايلك حرة
اديكى عمرى وارعى هواك
وانت معايا الروح والقلب

هـيـلا هـوب

هـيـلا هوب ٠٠ هـيـلا هوب

مصر حياتنا..مصر الحب



أحلى حلوة

يا أحلى حلوة قولى سايقا لى التقل ليه ؟

أجيب ألمان ولولى واللا يرضيكى إيه ؟

لو عمرى .. يكون هديّة

فاكرانى أقدر أسيبك ؟ دانت ويس اللى ليّه

لو نجمة أطلع وجيبك وافرش لك نور عينيه

مليان أحلام هنيّة

وأفضل عايش لحبك مهما يكون المصير

وانشروع النيل هوانا يملاه سحر وعبير

ونسمة شوق عفيّة

فيه عاشق عمره يهجر أحلى نبضات فؤاده؟

والهمسة والابتسامة؟ أو يخلف يوم ميعاده؟

ويكون عاشق صبيّة؟

طب حتى شوفى قلبى م الحـب بيحترق

بيقول "وحياة جمالك" أموت لو نفترق

ويضيع كل اللى ليّه

يا تسيبى النبض يحضن أشواقنا المغرمة

يا كل الحـب يرحل م الأرض والسـمـه

والناس تصيح ضحية

القلب والغزال

والحـب معرفـوش
عن قلبى ملقتـوش
صادوه منى الوحوش

نايم في الليل لوحدى
صـحيت الصـبح ادور
يا نجدة الحـقيني

عن قلبى ف كل هول
ويبلغ لانتربول
قال " الفاعل مجهول "

راح البـوليس يدور
ويعلن عن مكافأة
ويعد طول مشقة

وشاكك في البنات
دلوعمة م الذوات
واستسلم من سكات

مشيت ابحت لوحدى
كان قابل مرة صدفة
ليكون في شباكها واقع

وتعبت وجنب ناصية مش قادر ع الوقوف
ألقى غزال معدى وقلوب حوالبه تطوف
عامل قلبى ميدالية تترقص فى الكفوف

ناديت " أمسك حرامى " ضحكلى وبصلى
وقال " شهيد غرامى " وخالص انضلملى
رجعت اناف كلامى ولا قلبى رقللى

قاللى الغزال برقة " طول عمرى بعشقتك
يا تيجى جنب قابك يا بحورى تغرقاك "
ضحكت وقلت لأه كداب ولا اصدقك

السفر والحنين

بجربله واحصّله

ولقيتني بكل شوقي

قال عذرك بقبله

وقول غاطان سامحني

انا قلبي وصناتله

يا بوليس خبر ولادك

كان فين؟ ومين غريم؟

سألني الصول نوباتجي

قال " سترك يا كريم "

قلت " اصطاده الغزال "

محنش قد الحريم "

" خليك حكيم وسام "

طالب القرب

أنا رايدك كل عمري يا قايده القلب نار
نتهني بحبنا ونخلي الليل نهار

حاجي واخطب عيونك بس أوعى تقولوا لأ
لو لا يبقالي أرحم تتشق الأرض شق

والشبكة من فؤادي والشقة والجهاز
واشريك جوه عيني من ساعة الجواز

وأهلِكَ والجيران يبقولى برضه أهل
والصعب يكون علىَّ واختارى بكل مهل

مستى تقولى " شرف " البيت حتتو وره
أجى ومعايا أهلى وترايبك أقدره

وأحضن بالفرح قابك ونطير فوق البشر
ونزور كل النجوم والشمس والقمر

كعك الحبيب

الحلوة بقلب طيب ساكنه الروح والعنين
قلت في العيد يا حلوة فمين كعك إيديكى فمين؟

قالت بعيونى اجيبه تاكل إيدك معاه
الكعكه منه تسوى العمر لمنتهاه

أنا كالت كعكة واحدة خلنا لى القالب دق
وبحر الشوق عبرته ما خفتش م الغرق

وابص ف عينها أغرق ما تقالى أى شط
لله روحوا قولوها القلب حداها حط

والنار في الجنب قادت والشوق زاد اللهب
ياريت بعيونها تقره في جيبنى اللى انكتب

مكتوب فرحة قلوبنا تتغنى لكل جيل
ما شافها غيرنا عاشق ولا يخلى منها ليل

لوعة

ليه رنيت .. يا تليفون
بعـد سـكـوت ؟
ليه صحيت فيّ الشوق؟
سـبـبـه يـمـوت

تسأل عنى عامل إيه ؟
تفـرق إـيـه ؟
فيّ النار .. ليل ونهار
بيـدك إـيـه ؟

قلبي ناداك .. وانت طليق
زى الطير ر
" خليك لى " .. سبته يتوه
واختـرت الغـير

روح وانساه .. بس تعيش ..
مـش حـيا مـوم
كل مناه .. تبقى سعيد ..
مـش مـحـروم

يا أعز حبيب ...

بكفاية لهيب ...

وكفاية مـرار

لا القلب يطيب ...

ولا لي نصيب ...

تسعدني يا جار

قسمة ومكتوب ...

أعشق وأدوب ...

وأعيش في النار

الحائرة

مقدّرش أقول لقلّابك انسى واللا افتكر

أحلامنا وحبنا

اصبر ... يمكن نلاقى واحدة ف وادى القمر

بالحب تضمّنا

يا أحلى نبض جالى بيقول رايدك حلالى

ولآخر عمرنا

مش حبعد عن سيبك أو بيدى أقدر اجيلك

ونفرّح قلبنا

بَدْعى رب العباد يجمعنا م البعاد

ويبارك حبنا

ونعيش دائماً سوى نتهنى بهوى

والفرح يدوم لنا

العمدة

يا عمدة كفرنا يا حليوة معطّرة
يا حارسانا بدلال وبجبيبة قصيرة

عالية فوق الركب

وفصوص في البنطلون وبلوزة مقلّمة
وبقصة طويلة حبة ع الخد مسالمة

والبنسة من ذهب

والصندل كعب عالي خصرك فوقه يميل
يجذب كل القلوب وتسلم للجميل

من غير لحظة تعب

وتطاردي المجرمين بروجع الشفتين
يشعل في القلب نار ويطبّأوا في الكمين

من غير ما يتصب

يا عمدة كفرنا مشـتاق اتجـوِّزك

وأصبح خفير هنا في الليل أونسبك

بالدقن والشنب

وف يوم ما توضعى الشرطة تكون طابور

وأن رحلت ترضّعي نستأذن المأمور

بمحبة وبأدب

أما يوم السبوع نعمل لك مؤتمر

ونفيد كل الشموع ونأكل البشر

ووزيرنا المنتخب

لكن خايف ألقى أحلامي اتبدّيت

والبيت يصبح سلاحك والزوجة اشّتتت

ويفرقنا الغضب

يا عمدة كفرنا عيشى أنتِ لأُسرتكِ
لا تباتى في الخلا ولا تفتى صحتكِ

في مكافحة الشغب


دى مهنة للرجال اللي قلوبهم تشيل
ما يخافوا م المحال ولا ليهم روج نقييل

وبياتوا في القصب

اما انتِ مهنتكِ جامعة مش مدرسة
تدّى دروس الحياة كاملة ما تنتسه

وف بيتها تتطلب

السفر والحنين



الفهرس


الصفحة	الموضوع	ممسلسل
٣	إهداء	١
٥	ست الكل	٢
٧	القلب دايب	٣
٩	رضاك دنيتي	٤
١١	نسيانك غلطتي	٥
١٣	زين الشباب	٦
١٥	الغريب	٧
١٨	إلى الغريب	٨
٢١	اللقاء	٩
٢٣	السفر والحنين	١٠
٢٥	أهلاً بيبك	١١
٢٦	نساك القلب	١٢
٢٨	أسمعيني	١٣
٣٠	وداع زهرة	١٤
٣٢	عشاك أنتظر	١٥
٣٤	هلات	١٦
٣٦	في القلب مطر حك	١٧

تابع الفهرس

الصفحة	الموضوع	مسلسل
٣٧ المحطــــــــــــــــة	١٨
٣٩ اغتيال فرح	١٩
٤١ حبيته ك	٢٠
٤٢ العــــــــــــــــودة	٢١
٤٣ عود الفل	٢٢
٤٥ الأــــــــــــــــولة	٢٣
٤٧ كتبوا الكتاب	٢٤
٥٠ مصر أم البشر	٢٥
٥٣ باحلم بالهنا	٢٦
٥٥ التربيــــــــــــــــة	٢٧
٥٨ حســــــــــــــــتناك	٢٨
٥٩ نفس الســــــــــــــــؤال	٢٩
٦٠ فائتــــــــــــــــة الوجود	٣٠
٦٢ ست العــــــــــــــــصر	٣١
٦٤ القلب الطيــــــــــــــــب	٣٢
٦٦ ســــــــــــــــبعة وعشرون	٣٣
٦٨ إــــــــــــــــلى الله	٣٤
٧٠ الله حــــــــــــــــي	٣٥

تابع الفهرس

الصفحة	الموضوع	مسلسل
٧٣ فلسطيين	٣٦
٧٦ أغلى حروف	٣٧
٧٨ صهيون	٣٨
٨٠ شايك يا بكرة	٣٩
٨٢ سينا	٤٠
٨٤ مسنتينيكي	٤١
٨٦ أنا رايدك	٤٢
٨٧ خليكي ي العش	٤٣
٨٩ بودعك	٤٤
٩١ هيل هوب	٤٥
٩٣ أحلى حلو	٤٦
٩٥ القلب والغزال	٤٧
٩٨ طالب القرب	٤٨
١٠٠ كعك الحبيب	٤٩
١٠٢ لوعنة	٥٠
١٠٤ الحائرة	٥١
١٠٥ العمدة	٥٢
١٠٩ الفهرس	٥٣



السفر والحنين